

**BOSNA I HERCEGOVINA**  
*Konkurencijsko vijeće*



**БОСНА И ХЕРЦЕГОВИНА**  
*Конкуренијски савјет*

## **R J E Š E N J E**

**o koncentraciji privrednih subjekata Mješoviti Holding «Elektroprivreda»  
Republike Srpske Trebinje-Matično preduzeće a.d.Trebinje, Javno preduzeće Rudnik i  
Termo-Elektrana-Gacko akcionarsko društvo, Gacko i «ČEZ» a.s. Prag, Republika  
Češka**

**Sarajevo  
Septembar, 2007. godine**



Broj: 01-05-26-017-9-II/07  
Sarajevo, 28.09.2007. godine

Na osnovu člana 25. stav (1) tačka e) člana 42. stav (1) tačka d) člana 43. stav (2), a u vezi sa članom 12. stav (1) tačka c), čl. 14., 16. i 18. Zakona o konkurenciji («Službeni glasnik BiH», broj 48/05) i člana 193. stav (2) Zakona o upravnom postupku («Službeni glasnik BiH», broj 29/02), rješavajući po zajedničkoj Prijavi namjere koncentracije privrednog subjekta «ČEZ a.s., Prag, Praha 4, Duhova 2/1444, Republika Češka, i privrednog subjekta Mješoviti Holding «Elektroprivreda» Republike Srpske Trebinje-Matično preduzeće akcionarsko društvo Trebinje, Stepe Stepanovića bb, Trebinje i Javno preduzeće Rudnik i Termo-Elektrana Gacko-akcionarsko društvo, Gračanica bb, Gacko, zaprimljenu pod brojem: 01-05-26-017-II/2007 dana 24.05.2007. godine, Konkurencijsko vijeće, na 51. (pedesetprvoj) sjednici održanoj dana 28.09.2007. godine, je donijelo

### **R J E Š E N J E**

- (1) Ocjenjuje se dopuštenom koncentracija koja će nastati na tržištu proizvodnje i distribucije električne energije u Bosni i Hercegovini, na osnovu zajedničkog ulaganja na dugoročnoj osnovi između nezavisnih privrednih subjekta Mješoviti Holding «Elektroprivreda» Republike Srpske Trebinje-Matično preduzeće akcionarsko društvo Trebinje i privrednog subjekta «ČEZ» a.s. Prag, Republika Češka na osnovu «Sporazumu o provedbi», prema kojem Mješoviti Holding «Elektroprivreda» Republike Srpske Trebinje - Matično preduzeće akcionarsko društvo Trebinje u privredni subjekt «Nove elektrane Republike Srpske» društvo sa ograničenom odgovornošću za proizvodnju i prodaju električne energije, Gacko, unosi kapital u pravima i stvarima koji se sastoji od elektrane «Gacko B» i povezanih rudnika uglja, dok privredni subjekt «ČEZ» a.s. Prag, Republika Češka unosi kapital koji se sastoji u novcu.
- (2) Ovo Rješenje je konačno i upisuje se u Registar koncentracija.
- (3) Ovo Rješenje biće objavljeno u «Službenom glasniku BiH», službenim glasilima entiteta i Brčko Distrikta Bosne i Hercegovine.

### **O b r a z l o ž e n j e**

Konkurencijsko vijeće je zaprimilo, dana 24. maja 2007. godine, zajedničku Prijavu namjere koncentracije broj: 01-05-26-017-II/07 (u daljem tekstu: Prijava), u skladu sa članom 16. stav (1) Zakona o konkurenciji privrednog subjekta ČEZ a.s. Prag, Praha 4, Duhova 2/1444), Republika Češka (u daljem tekstu: ČEZ), privrednog subjekta Mješoviti Holding «Elektroprivreda» Republike Srpske Trebinje-Matično preduzeće akcionarsko društvo, Trebinje, Stepe Stepanovića bb, Trebinje, Bosna i Hercegovina (u daljem tekstu: ERS) i privrednog subjekta Javno preduzeće Rudnik i Termo-Elektrana Gacko-akcionarsko društvo, Gračanica bb, Gacko (u daljem tekstu: RiTE Gacko), putem ovlaštenog punomoćnika, advokata Seada Miljkovića, Fra Anđela Zvizdovića broj 1, 71000 Sarajevo, kojom namjeravaju u novosnovani privredni subjekt «Nove elektrane Republike Srpske», društvo sa neograničenom odgovornošću za proizvodnju električne energije, Gacko, unijeti kapital u pravima, stvarima i novcu.

Uvidom u dostavljenu Prijavu Konkurencijsko vijeće je utvrdilo da ista nije kompletna, u smislu člana 31. Zakona o konkurenciji (u daljem tekstu: Zakon), te je dopisom broj: 01-05-26-017-5-II/2007 godine, dana 11.07.2007. godine zatražilo dopunu, nakon čega je Podnosilac Prijave istu dopunio, dana 20.07.2007. godine pod brojem: 01-05-26-017-6-II/2007 godine.

Nakon dostavljanja kompletne Prijave Konkurencijsko vijeće je, u smislu člana 30. Zakona, dostavilo Podnosiocu Prijave, dana 07.08.2007 godine, broj: 01-05-26-017-7- II/07, Potvrdu o urednoj i kompletnoj Prijavi.

Podnosilac Prijave navodi da ne namjerava podnijeti zahtjev za ocjenu predmetne koncentracije, nekom drugom tijelu ovlaštenom za ocjenu koncentracije izvan teritorije Bosne i Hercegovine, u smislu člana 30. stav 2) Zakona.

U postupku ocjene Prijave namjere koncentracije utvrđene su sljedeće činjenice:

## **1. Učesnici koncentracije**

Učesnici koncentracije su privredni subjekt ČEZ a.s. Prag, Praha 4, Duhova 2/1444, Republika Češka, privredni subjekt Mješoviti Holding «Elektroprivreda» Republike Srpske Trebinje-Matično preduzeće akcionarsko društvo Trebinje, Stepe Stepanovića bb, Trebinje i privredni subjekt Javno preduzeće Rudnik i Termo-Elektrana, akcionarsko društvo, Gračanica bb, Gacko.

### **1.1. Privredni subjekt ČEZ a.s. Prag, Republika Češka**

Privredni subjekt ČEZ a.s. Prag, Praha 4, Duhova 2/1444, Republika Češka je jedan od većih elektro kompanija u centralnoj i jugoistočnoj Evropi registrovan u Registru privrednih društava kod Općinskog suda u Pragu, dana 6. maja 1992. godine, pod identifikacijskim brojem: 45274649, odjel B, uložak 1581.

Osnovna djelatnost privrednog subjekta ČEZ, je proizvodnja i distribucija električne i toplone energije, trgovina električnom energijom, razvoj električne opreme i revizija električnih postrojenja.

Privredni subjekt ČEZ ima svoja subsidijarna društva u inostranstvu i to u: Saveznoj Republici Njemačkoj, Republici Poljskoj, Republici Mađarskoj, Republici Slovačkoj, Republici Rumuniji i Republici Bugarskoj, dok u Bosni i Hercegovini djeluje preko novoosnovanog privrednog subjekta «Nove elektrane Republike Srpske» društvo sa ograničenom odgovornošću, Gacko (u daljem tekstu: NERS), u čijem osnovnom kapitalu ima udio od 51,0%.

Privredni subjekt NERS je upisan u sudski registar Osnovnog suda u Trebinju, dana 22. decembra 2006. godine, pod jedinstvenim registarskim brojem: RU-1-1864-00.

### **1.2. Privredni subjekt Mješoviti Holding «Elektroprivreda» Republike Srpske Trebinje-Matično reduzeće a.d. Trebinje**

Privredni subjekt Mješoviti Holding «Elektroprivreda» Republike Srpske Trebinje-Matično preduzeće akcionarsko društvo Trebinje, Stepe Stepanovića bb, Trebinje, registrovan je u sudskom registru Osnovnog suda u Trebinju, dana 18.10.2006.godine, pod registarskim brojem: RU-1-1312-00.

Osnovna djelatnost privrednog subjekta ERS je proizvodnja i distribucija električne i toplotne energije.

Privredni subjekt ERS u svom sastavu ima pet povezanih preduzeća za proizvodnju električne energije, pet preduzeća za distribuciju električne energije i istraživačko razvojni centar energetike, sa većinskim pravom vlasništva i to:

- Privredni subjekt Rudnik i Termoelektrana a.d.Gacko, sa udjelom od 65,00000247% u osnovnom kapitalu;
- Privredni subjekt Rudnik i Termoelektrana Ugljevik a.d. Ugljevik, sa udjelom od 65,008247% u osnovnom kapitalu;
- Privredni subjekt HE na Trebišnjici a.d.Trebinje, sa udjelom od 64,998217% u osnovnom kapitalu;
- Privredni subjekt HE na Drini a.d.Višegrad, sa udjelom od 65,000396% u osnovnom kapitalu;
- Privredni subjekt HE na Vrbasu a.d. Mrkonjić Grad, sa udjelom od 64,999415% u osnovnom kapitalu;
- Privredni subjekt Elektrokrajina Banja Luka, sa udjelom od 65,005590% u osnovnom kapitalu;
- Privredni subjekt Elektro Doboj a.d. Doboj, sa udjelom od 65,002816% u osnovnom kapitalu;
- Privredni subjekt Elektro Bijeljina a.d. Bijeljina, sa udjelom od 65,002600% u osnovnom kapitalu;
- Privredni subjekt Elektrodistribucija Pale a.d. Pale, sa udjelom od 65,998217% u osnovnom kapitalu;
- Privredni subjekt Elektrohercegovina a.d. Trebinje, sa udjelom od 64,998217% u osnovnom kapitalu;
- Privredni subjekt Istraživačko razvojni centar energetike a.d.Istočno Sarajevo, sa udjelom od 51,000000% u osnovnom kapitalu.

Privredni subjekt ERS ne posjeduje subsidijsna društva van teritorije Bosne i Hercegovine.

### **1.3. Privredni subjekt Javno preduzeće Rudnik i Termo-Elektrana Gacko Akcionarsko društvo**

Privredni subjekt, Javno preduzeće Rudnik i Termo-Elektrana Gacko Akcionarsko društvo, Gacko, Gračanica bb, Gacko, Bosna i Hercegovina, registrovan je u sudskom registru Osnovnog suda u Trebinju, dana 6. februara 1996. godine, pod jedinstvenim Registarskim brojem: RU-1-559-00.

Privredni subjekt RiTe Gacko nalazi se u gatačkom energetsom bazenu, u jugoistočnom dijelu Republike Srpske i sastoji se od dvije radne jedinice i to: termoelektrane i rudnika.

Privredni subjekt RiTE Gacko djeluje kao zavisno preduzeće privrednog subjekta ERS.

Osnovna djelatnost privrednog subjekta RiTE Gacko, je proizvodnja termoelektrične energije i vadenje i briketiranje lignita.

Privredni subjekt RiTE Gacko nema povezanih društava.

## **2. Pravni osnov i oblik koncentracije**

Pravni osnov Prijave namjere koncentracije «Sporazum o provedbi» (u daljem tekstu: Sporazum) je zaključen dana 16. maja 2007. godine, između privrednog subjekta ČEZ, i privrednog subjekta RiTE Gacko i privredni subjekt ERS a koji predviđa da privredni subjekti RiTE Gacko kao zavisno preduzeće privrednog subjekta ERS, u privredni subjekat NERS obezbjedi unos kapitala u stvarima i pravima, a koji se pretežno sastoje od elektrane «Gacko

↳ i povezanih rudnika uglja, što će odražavati 49,0% u osnovnom kapitalu privrednog subjekta NERS, i s druge strane, privredni subjekat ČEZ obavezuje da unese ulog u novcu, u iznosu koji će odražavati prvobitni udio privrednog subjekta ČEZ od 51,0%, u osnovnom kapitalu privrednog subjekta NERS.

Sporazum predstavlja nastavak prve faze zajedničkog ulaganja od strane privrednog subjekta ČEZ, čiji ulog u osnovnom kapitalu iznosi 408.000,00 KM ili 51,0%, i privrednog subjekta ERS, čiji ulog iznosi 392.000,00 KM ili 49,0%, koja je okončana formiranjem zajedničkog privrednog društva za proizvodnju i prodaju električne energije NERS. Navedeno zajedničko ulaganje, Rješenjem broj: 01-02-26-021-9-II/06, odobrilo je Konkurencijsko vijeće Bosne i Hercegovine, dana 22.03.2007.godine.

Navedenim Sporazumom je predviđeno da privredni subjekt RiTE Gacko u privredni subjekat NERS, unese kapital u stvarima i pravima, a koji se sastoji od svih njegovih sredstava, koja su detaljno opisana u Nacrtu izvještaja o procjeni vrijednosti uloga sačinjenog od strane nezavisne firme Deloitte, d.o.o. Beograd, Republika Srbija, u iznosu od 339.436.252,33 KM (173.551.000,00 EUR), procjenjena na dan 31.12.2006.godine, dok će konačan unos sredstava biti izvršen na osnovu procjene ovlaštenog sudskog procjenitelja na dan 31.decembra 2007. godine i privredni subjekt ČEZ, unosi kapital u novcu, u iznosu koji će i dalje odražavati njegov prvobitni udio u privrednom subjektu NERS, od 51,0% u osnovnom kapitalu. Navedenim novčanim sredstvima, unesenim od strane privrednog subjekta ČEZ, omogućila bi se rekonstrukcija postojeće termoelektrane (Gacko I), djelimično finansirnje izgradnje novih energetskih postrojenja ukupne snage od 660 Mwh, tj. izgradnju nove termoelektrane «Gacko II» i otvaranje novog ležišta uglja na kopu «C» gatačkog bazena.

Po okončanju navedenog procesa, privredni subjekt NERS će nastaviti sa proizvodnjom električne energije, koristeći prije svega eksploataciju uglja na području Gacka. Pored proizvodnje električne energije, planirano je da će se zajednički privredni subjekt dugoročno baviti i trgovanjem električnom energijom.

Okončanje unosa sredstava u stvarima i pravima, od strane privrednog subjekta RiTE Gacko, i novca od strane privrednog subjekta ČEZ, u privredni subjekt NERS, predviđeno je da bude obavljeno u periodu od tri mjeseca, od dana 31.decembra 2007. godine, na način, kako je definisano Sporazumom.

Nakon unošenja uloga privrednog subjekta RiTE u privredni subjekt NERS, privredni subjekt RiTE Gacko nastaviće da egzistira kao dioničko društvo i preregistrovaće se u holding, u skladu sa odredbama Zakona o preduzećima Republike Srpske.

Pravni oblik predmetne koncentracije predstavlja zajedničko ulaganje na dugoročnoj osnovi učesnika koncentracije u skladu sa članom 12.stav (1) tačka c) Zakona.

### 3. Ukupni prihod učesnika predmetne koncentracije

Konkurencijsko vijeće je na osnovu dostavljene dokumentacije provelo analizu i utvrdilo da su privredni subjekti ČEZ, ERS i RiTE Gacko, po završnom računu u 2006.godini, kao finansijskoj godini koja je prethodila koncentraciji, ostvarili sljedeći ukupni prihod:

Tabela 1.

Ukupni prihod izražen u KM	ČEZ	ERS	RiTe Gacko
Svjetski prihod	(..)** <sup>1</sup>	(..)**	-
Bosna i Hercegovina	-	(..)**	(..)**

<sup>1</sup> (..)\*\* - Podaci predstavljaju poslovnu tajnu

Konkurencijsko vijeće je, iz navedenih ostvarenih prihoda na svjetskom tržištu i tržištu Bosne i Hercegovine, utvrdilo postojanje obaveze prijave namjere koncentracije, s obzirom da su ispunjeni kriterijumi ukupnog ostvarenog prihoda privrednih subjekata, učesnika koncentracije na tržištu roba i/ili usluga Bosne i Hercegovine, u godini koja je prethodila predmetnoj koncentraciji, u smislu člana 14. stav (1) Zakona.

#### **4. Analiza relevantnog tržišta**

Članom 3. Zakona i čl. 4., 5. i 6. Odluke o utvrđivanju relevantnog tržišta («Službeni glasnik BiH», broj 18/06) određeno je relevantno tržište određenih proizvoda ili usluga koje su predmet djelovanja privrednih subjekata na relevantnom geografskom tržištu.

Konkurencijsko vijeće je utvrdilo da je relevantno tržište proizvoda i usluga u predmetnoj koncentraciji, proizvodnja i distribucija električne energije.

Relevantno geografsko tržište je Bosna i Hercegovina, jer se proizvodnja i distribucija električne energije obavlja na cijeloj teritoriji Bosne i Hercegovine.

Slijedom navedenog, Konkurencijsko vijeće je kao relevantno tržište za predmetnu koncentraciju utvrdilo tržište proizvodnje i distribucije električne energije na cijeloj teritoriji Bosne i Hercegovine.

Na tržištu proizvodnje i distribucije električne energije u Bosni i Hercegovini djeluju tri vertikalno integrisana privredna subjekta: Elektroprivreda Republike Srpske (u daljem tekstu: EP RS), Elektroprivreda Bosne i Hercegovine d.d. Sarajevo (u daljem tekstu: EP BiH) i Elektroprivreda Hrvatske zajednice Herceg-Bosne d.d. Mostar (u daljem tekstu: EP HZHB). Privredni subjekt EP RS je sa 1.348.MW instalirane snage, druga elektroenergetska kompanija po veličini u Bosni i Hercegovini.

U Bosni i Hercegovini postoje regulatorne institucije elektroenergetskog tržišta i to: Državna regulatorna komisija za električnu energiju Bosne i Hercegovine (u daljem tekstu: DERK), Regulatorna komisija za električnu energiju Republike Srpske i Regulatorna komisija za električnu energiju Federacije Bosne i Hercegovine, Nezavisni operator sistema prenosa Bosne i Hercegovine (u daljem tekstu: NOS) i kompanija za prenos električne energije u Bosni i Hercegovine (Elektroprenos BiH), koja je kao vlasnik sistema prenosa, a počela je djelovati u 2006.godini i jedino je društvo nadležno za prenos električne energije u Bosni i Hercegovini.

U vezi sa deregulacijom i liberalizacijom tržišta, 26. juna 2006. godine, DERK je donio Odluku o obimu, uslovima i vremenskom rasporedu otvaranja tržišta električne energije u Bosni i Hercegovini («Službeni glasnik BiH», broj 48/06), na koju je dalo svoje mišljenje i Konkurencijsko vijeće Bosne i Hercegovine. Navedenom odlukom definišu se obim, uslovi i dinamika otvaranja tržišta električne energije u Bosni i Hercegovini u oblasti proizvodnje i snabdijevanja električnom energijom a cilj je stvaranje, održavanje i razvoj konkurentnih odnosa između učesnika na tržištu električne energije. Predviđeno je da se otvaranje tržišta električne energije odvija postepeno, dinamikom prema kojoj status kvalifikovanog kupca mogu steći:

- svi kupci sa godišnjom potrošnjom električne energije većom od 10 GWh od 1. januara 2007.godine;
- svi kupci sa godišnjom potrošnjom većom od 1 GWh od 1. januara 2008. godine;
- svi kupci, osim kupaca iz kategorije potrošnje domaćinstava od 1. januara 2009. godine;
- svi kupci električne energije od 1. januara 2015. godine.

Bosna i Hercegovina ima ukupan proizvodni instalirani kapacitet od 4.052 MW, od čega termoelektrane predstavljaju 48,0% (1.957 MW) i hidroelektrane 52,0%(2.095 MW).

Tabela 2.

Hidroelektrane		Termoelektrane	
Naziv hidroelektrane	Instalirana snaga (MW)	Naziv termoelektrane	Instalirana snaga (MW)
Trebinje I	180	Tuzla	779
Trebinje I	8	- G1	32
Dubrovnik (BiH+Hr)	210	- G2	32
Čapljina	420	- G3	100
Rama	160	- G4	200
Jablanica	170	- G5	200
Grabovica	117	- G6	215
salakovac	210	Kakanj	578
Mostar	75	- (G1, G2, G3, G4) 4x32	128
Jajce I	60	- G5	110
Jajce II	30	- G6	110
Bočac	110	- G7	230
Višegrad	315	<b>Gacko</b>	<b>300</b>
Peć-Mlini	30	Ugljevik	300
<b>UKUPNO</b>	<b>2.095</b>	<b>UKUPNO</b>	<b>1.957</b>

Izvor: Državna regulatorna komisija za električnu energiju Bosne i Hercegovine.

Procjene DERK-a su, da je Bosna i Hercegovina u 2006. godini proizvela 13.749 GWh električne energije, od čega 56,0% proizvedeno u termoelektranama, dok je 43,0% u hidroelektranama i oko 1% u malim elektranama. Procjena ukupne potrošnje u Bosni i Hercegovini u 2006.godini iznosila je 11.521 GWh električne energije.

Tržišni udio glavnih tržišnih konkurenata, učesnika predmetne koncentracije na relevantnom tržištu, iznose :

Tabela 3.

Procjena za 2006. godinu u (GWh)	EP BiH	EP RS	EP HZHB	Brčko Distrikt	BiH
<b>Proizvodnja</b>	<b>6.460,00</b>	<b>5.405,00</b>	<b>1.884,00</b>		<b>13749,00</b>
Proizvodnja u hidroelektranama	1.505,00	2470,00	1884,00		5859,00
Proizvodnja u termoelektranama	4.870,00	2860,00			7.730,00
Proizvodnja u malim i ind. el.	85,00	75,00			160,00
<b>Potrošnja</b>	<b>4.250,00</b>	<b>3.324,00</b>	<b>3.287,00</b>	<b>270,00</b>	<b>1.1521,00</b>
Distributivna potrošnja	3.830,00	3.054,00	1.065,00	270,00	8.219,00
Gubici prijenosa					390,00
Veliki kupci	420,00	220,00	2.200,00		2.840,00
Potrošnja rudnika i pumpanje		50,00	22,00		72,00

Izvor: Državna regulatorna komisija za električnu energiju Bosne i Hercegovine.

Na osnovu podatka iz Tabele 3. vidljivo je, da je procjena ukupne godišnje proizvodnje električne energije na relevantnom tržištu cijele Bosne i Hercegovine u 2006.godini, iznosila 13.749 GWh, a procjena ukupne godišnje potrošnje 11.521 GWh.

Podaci o tržišnim udjelima na relevantnom tržištu Bosne i Hercegovine u proizvodnji električne energije u 2006. godini (izraženi u %) pokazuju da najveći tržišni udio ima

privredni subjekt EPBiH sa 47,0%, slijedi privredni subjekt ERS sa 39,3%, te privredni subjekt EP HZHB sa 13,7%.

Prema podacima NOS-a, viškovi električne energije koji se proizvedu u EP BiH i EP RS, na dnevnoj osnovi, usmjeravaju se jedni prema drugima ili prema EP HZHB, zavisno od potrebe potrošnje.

U Republici Srpskoj, u skladu sa Ugovorom o osnivanju privrednog subjekta NERS, pojaviće se i četvrti nezavisni privredni subjekt, koji će se baviti proizvodnjom i distribucijom električne energije na relevantnom tržištu Bosne i Hercegovine.

Prije navedene koncentracije, privredni subjekt ČEZ, koji u privrednom subjektu NERS ima udio od 51%, nije djelovao na elektroenergetskom tržištu Bosne i Hercegovine niti je ostvario bilo kakav prihod ili proizvodnju, isto kao i privredni subjekt NERS.

Stoga, tržišni udjeli učesnika predmetne koncentracije, u proizvodnji električne eneregije na relevantnom tržištu Bosne i Hercegovine, prije provođenja predmetne koncentracije iznosili su: privredni subjekt ČEZ 0% i privredni subjekt ERS 39,3% (uključujući i njegovo zavisno društvo RiTE Gacko).

Tržišni udio privrednog subjekta ERS na relevantnom tržištu Bosne i Hercegovine, nakon pristupanja privrednog subjekta RiTE Gacko, privrednom subjektu NERS, će biti smanjen za oko 1.500 GWh koje će proizvoditi privredni subjekt NERS. Shodno navedenom, tržišni udio privrednog subjekta ERS će na relevantnim tržištu biti smanjen na oko 28,5%, dok će udio privrednog subjekta NERS biti oko 10,8%.

Nakon planirane izgradnje nove termoelektrane nakon 2013.godine u Gacku, proizvodnja privrednog subjekta NERS, biće povećana za dodatnih 600-700 MWh, odnosno povećana na oko 4.500GWh, te će po trenutnom stanju, predviđena proizvodnja električne energije u Bosni i Hercegovini porasti na oko 16.500 GWh. Shodno tome, povećaće se udio privrednog subjekta NERS, na relelevantnom tržištu Bosne i Hercegovine na oko 27,0%, od čega će privredni subjekat ČEZ imati 13,8%, a tržišni udio privrednog subjekta ERS će se povećati za oko 13,2%.

## **5. Procjena predmetne koncentracije**

Imajući u vidu gore navedene podatke predmeta, Konkurencijsko vijeće ocjenjuje da ova koncentracija neće stvoriti niti ojačati dominantni položaj učesnika koncentracije, budući da se neće moći u značajnoj mjeri ponašati nezavisno od stvarnih konkurenata na relevantnom tržištu, jer prema tržišnim udjelima konkurencije, vidljivo je da postoji snažna konkurencija na relevantnom tržištu proizvodnje i distribucije električne energije, u Bosni i Hercegovini.

Analizom podataka dostavljenih u Prijavi, kao i podataka kojima raspolaže Konkurencijsko vijeće, utvrđeno je da su tržišni udjeli učesnika koncentracije na relevantnom tržištu ispod tržišnog udjela od 40,0%, kojim se predpostavlja da privredni subjekt može imati dominantni položaj, u smislu člana 9. Zakona.

Uvođenje nove opreme, koje će omogućiti praćenje novih ekoloških standarda, koji se primjenjuju u zemljama Evropske unije, smanjiće ekološke probleme u regiji Gacko i doprinijeti oporavku okoline i prirodnih resursa. *Know-how* koje će strani investitor uložiti u zajednički privredni subjekat, doprinijet će povećanju produktivnosti elektroenergetskog sektora Rerublike Srpske, njegovih izvoznih kapaciteta i njegovoj poziciji na regionalnom tržištu.



Navedena koncentracija dovesti će do povećanja kvaliteta usluga na tržištu električne energije, sniženja cijena proizvodnje električne energije, ponuditi veći broj usluga potrošačima električne energije, kao i povećati pouzdanost snabdijevanja električne energije, obezbjeđenjem dovoljne količine električne energije za sve potrošače Bosne i Hercegovine.

Takođe, u toku 2013. godine očekuje se u potpunosti liberalizacija tržišta električne energije u Bosni i Hercegovini, što će dovesti do otvaranja tržišta drugim konkurentima i pojačana konkurencije na relevantnom tržištu električne energije

Cijeneći sve iznesene činjenice i podatke koji su prethodili donošenju odluke, Konkurencijsko vijeće je ocijenilo predmetnu koncentraciju dopuštenom, u smislu člana 18. stav (2) Zakona, kao što je odlučeno u dispozitivu ovog Rješenja.

## **6. Administrativna taksa**

Na ovo Rješenje Podnosilac prijave u skladu sa Odlukom o administrativnim taksama u vezi sa procesnim radnjama pred Konkurencijskim vijećem ("Službeni glasnik BiH", broj 30/06) i u skladu sa članom 2. Tarifni broj 107 stav (1) tačka d) pod 1) obavezan je platiti administrativnu taksu u iznosu od 2.500,00 KM u korist Budžeta institucija Bosne i Hercegovine.

## **7. Pouka o pravnom lijeku**

Protiv ovog Rješenja nije dozvoljena žalba. Nezadovoljna stranka može pokrenuti upravni spor pred Sudom Bosne i Hercegovine u roku od 30 dana od dana prijema ovog Rješenja, odnosno od dana njegovog objavljivanja.

**Predsjednik**

**Sanja Božić**